

XXVI Concursu de Cuentos pola Oficialidá del Asturianu

BASES REGULADORES

1.- Los cuentos han de tar redactaos en llingua asturiana, respetando les normes ortográfiques vixentes. Sedrán inéditos, de tema llibre, non premiaos n'otros concursos lliterarios y non suxetos a compromisu d'edición.

2.- Los rellatos han de tener una estensión máxima de 10 folios y presentase mecanografíaos a doble espaciu, per una sola cara. Unviaránse l'orixinal en papel y una copia en versión informática (CD o llápiz USB). Cada autor o autora nun podrá presentar namás qu'una obra.

3.- Les obres, ensin firma, tienen de presentase con nomatu. Ésti apaecerá nuna plica, en sobre zarráu, onde constarán nome y apellíos del autor o autora, númberu del DNI, teléfonu de contactu, señes y currículu (con semeya).

4.- Los cuentos han d'unviase a: Ayuntamiento Bimenes (pal XXVI Concursu de Cuentos pola Oficialidá del Asturianu). Plaza de Miranda de l Douro, s/n. CP 33527 – Martimporra (Bimenes). Afítase'l teléfonu de contactu ya información que vien darréu: 985700004.

5.- El plazu de presentación fina'l día 31 d'agostu de 2024 (fecha del matasellos de correos).

6.- El xuráu tará compuestu por trés miembros cualificaos y presidíu pol Alcalde de Bimenes. Los sos determinos nun podrán retrucase. Cualesquiera de los premios podrá quedar desiertu, según determin del mesmu.

7.- Les obres premiaes sedrán propiedá d'esti Conceyu y nun se devolverá d'oficiu nengún de los trabayos presentaos. Amás, la persona ganadora del concursu tará a disposición del Conceyu Bimenes pa formar parte del xuráu nes dos ediciones siguientes, polo que, nesi tiempu, nun podrá participar nel certame.

8.- Nel actu institucional d'entrega premios, a celebrar na fecha qu'afite'l Conceyu Bimenes tres l'apertura de pliques, fadráse una llectura pública del cuentu ganador del primer premiu na voz del so autor o autora.

9.- Afítense los premios que vienen darréu¹:

Primer premiu	700 €
Segundu premiu	525 €
Tercer premiu	300 €

10.- La participación nesti concursu lleva con ella l'aceutación dafechu d'estes bases.



Conceyu Bimenes

¹ Fadráse la retención del 15 %, correspondiente al IRPF, a aquellos premios que pasen de los 300 €.